

Minzcuz Dijyuz Haeuj Hagdangz

民族体育进校园

——Vujsenh Yen Dungzlingj Cin Sinhlungz Siujyoz Gawjbanh Daihsei Gaiq Hagseng Yindungvei

□Ganh Sozvwnz Cinz Sansiu/甘说文 覃善笑



▲ Hai hoih swng geizguck, guekcoj youq ndaw sim.



▲ Gaej naeuz gou iqet, ringx giendiet riengjret!



▲ “Mbin” hwnjdaej, ak raixcaix!



▲ Diuqcag gou cei ak, mwngz geq cix yiemz baeg.

► Byawz naeuz dabsau nomj, gwnz ciengz lumj duzromh.

2013 nienz 11 nyied 28 hauh, Vujsenh Yen Dungzlingj Cin Sinhlungz Siujyoz gawjbanh Daihsei Gaiq Hagseng Yindungvei. Baez yindungvei neix hai sam ngoenz.

Sinhlungz Siujyoz dwg Cuengh Gun song saw vah sonhag hagdangz, gawjbanh hagseng yindungvei miz minzcuz daegsaek lai. Bineix, aen yindungvei miz minzcuz daegsaek neix yinx ndaej haujlai lingjdauj, lauxhangz guh hong minzcuz gyauyuz haenx daej yawjngonz.

Youq gwnz hoih gaihmu, aen doih caijgeiz, doih gyong hauh, doih vahoengz hagdangz caeuq gak aen ban gunh 26 aen doih, youq geizguck, veiveih dazyinx baihlaj, riengz sing yinhyoz, yamqdin caezcup, doih riengz doih byaij gvaq baihnaj cujsizdaiz. Daengx aen hagdangz saeseng cungj sim angq naj hai, cingsaenz gvaekgvaek, ciepsouh lingjdauj caeuq vnzhek diemjyauj.

Youq gwnz hoih gaihmu, yienj vwnzyi cezmuzy ndeiyaaj raixcaix, hagdangz habciengqduenz hagseng fwngz fouxdoengh vahoengz, ciengq 《Go Hoengzsing》、《Lwngyeiz Guekcoj》, byaujdaz le gyoengq lwngyeiz ndiepgyaez guekcoj, sienh soh dwggyaez; it nienzgaep hagseng diuq foux 《Minzcuz Fungh Ceiq Ndongq》, mizrengz youh hab cezcou, gangjgej le gjj funghcaij dijjuz

yindung Sinhlungz Siujyoz angq-yangz, cangqwt, huzndei haenx.

Youq gwnz ciengz giuzlamz, yindungyenz haenqrengz doxbuek, sing sauq sing hemq yiengjoo.

Youq gwnz ciengz denzging, sing cungq fatlingh yiengjbaba, 400 mij buet cingq doxdax, yindungyenz iqet mwngz gyaep gou buet, yiengq giz satbyai cung bae. Ceiq lwengda dwg doxdax ringx giendiet, aen hanghmoeg miz minzcuz daegsaek neix yinx haujlai lwngyeiz daej yawj, hemq gyayouz sing dingz sing hwnj, daihgva cungj vih doih swheij dajheiq.

Youq ndaw sam ngoenz doxdax neix, gyoengq yindungyenz cungj fazyangz dijjuz cingsaenz “engq sang, engq vaiq, engq ak”, cizgiz camgya, haenqrengz doxdax, swnh-leih doxdax caez gak aen hanghmoeg, miz 6 aen ban ndaej faen lai, ndaej daengz duenzdoih ciengj, miz 320 boux doengzhag ndaej ciengj.

Doxdax sat le, youq gwnz hoih bimu, Lai Cwngliengz yaucangj gangj: Baez yindungvei neix, doidoengh hagdangz raeuz guh ndei hong “minzcuz dijjuz haeuj hagdangz”, diuhdoengh hagseng cizgiz camgya dijjuz yinlen, sawj hagseng ndaej daezsang doxdax suiibingz, gyagiengz suciz ndang-daej.

▲ Daengngoengz lweng lwgda, doihgeiz veiveih ronghsagsag.



▲ Youq gwnz hoih gaihmu, gyoengq doengzhag cingsaenz gvaekgvaek byaij haeuj gwnz cauhcangz.



▲ Naednaed raemxanh, mbawmbaw ciengcang!



▲ Vunz iq aen giuz naek, dagdag byawz goengfou.

